

Azpeitian dagoen Corrugados Azpeitia altzairutegiko Enpresa Batzordeak Udala osatzen duten alderdi guztiei, hemen aurkeztu den mozioa onar dezatela eskatzen du.

Badira iada bi urte kalera atera behar izan genuela gure lanpostuak eta lan baldintzak defendatzera. Halaber, orduan hasitako borroka gaur dirau. 2011an enpresak 100 langile baino gehiago kaleratu zituen eta, 2012ko ekainean, suspentsiozko ERE batekin batera beste 60 langile kaleratzeko espedientea aurkezteaz gain, 49 orduko lanaldia hazkundera eta soldaten % 35ren jaitsiera inposatu ziguten. Enpresak hau guztia negoziatzeko baino inposatzeko zuen asmoa salatu genuen lehenengo unetik eta greba mugagabeari ekin genion. Aurrerago, epaileek enpresaren negoziatzeko borondate eza frogatutzat eman zuten birritan eta, ondorioz, 60 kaleratzeak, soldata jaitsiera eta lanaldi hazkunderaren nulitatea ebatzi zuten.

Gure aldeko epai hauek kontutan izanik, negoziaketaren mesedetan 2013ko urtarilaren hasieran lanera bueltatu ginen; baina, enpresak hasierako planteamendu berdina mantendu ditu. Guk, beste neurrien artean, sinesgarritasuna duen bideragarritasun plan bat exijitu genien, aldi berean, adostasuna lortzeko bidean proposamenak eginez, besteak beste borondatezko kalerapenak onartzeko eta soldatetan zati baten kobrantza atzeratzeko prestutasuna azalduz. Baina hasieratik garbi zuten akordioa ez zutela nahi eta negoziaketa antzerki huts bat bezala erabili dute denbora irabazi eta beraien burua zurrizteko.

Azken hilabeteotan emandako hainbat gertakari erreparatu behar diegu. Batetik, bere momentuan salatu genuen bezala, lantegian zegoen txatarra guztia funditu da eta produktua bukatuta atera da, aldi berean, oso txatarra kopuru txikia sartu delarik. Beraz, materia primario ez dagoenez ez dago ia lanik. Bestetik, tarte honetan Gipuzkoako Aldundiak urtebeterako -5 urtez luzagarria- 150.000 tonatako lan karga lortu bazuen ere Azpeitiako zuzendaritzak ez du inongo interesik azaldu operazioa aurrera atera zedin.

Madrilan, Corrugados Getafe enpresak produkzio berdina egiten du eta, ondorioz, konpetentzia da. Han, langile guztiak kaleratu eta gero, Alfonso Gallardok proposatutako murrizketa guztiak onartu dituenak lanera bueltatu da.

Alfonso Gallardo Taldeak Getafeko lantegiaren aldeko hautua egin du, Azpeitiko 300 langileak lanik gabe utziz. Gurekin izandako negoziaketaz baliatu da lan karga eskeintzen zigun bitartean, denbora irabazi eta beste enpresetan izandako arazoak konpontzeko.

Lantegiaren itxierak langileontzako ez ezik, industria laguntzailean, zerbitzuetan, merkataritzan eta ostalaritzan ere eraginak izango ditu. Onartezina da diru publikoa jaso duen enpresa honek lantegia itxeko erabakia hartzea. Itxiera honek Urola eskualdeko herrientzat kaltea baino ez luke ekarriko. Galdutako lanpostuak ez dira epe laburrean berreskuratzeko eta hurrengo belaunaldiak langabezira kondenatuak izango dira.

Jokoan etorkizuna dugulako, egoerari buelta emateko eta itxieraren erabakiari aurre egiteko, langileak, herritarrak eta instituzioak eskuz esku aritu behar garelako, hurrengo mozioarekin bat egitea eskatzen dugu.

ZUMAIA-----ko Udalak bere elkartasuna adierazten die Corrugados Azpeitia enpresako langilei.

ZUMAIA-----ko Udalak, enpresaren itxierak eskualde zein herri honen biztanleentzat ekar dezaken kaltea kezka haundiz ikusten du eta, horregaitik, enpresak lanpostuak mantentzea, itxieraren

aurka agertzen da.

Zumaiako Udala
Erregistroa: A/13-01050
Orria 2/2

ZUMAI-----ko Udalak, enpresari itxieraren erabakia bertan behera utz dezala eta negoziazioarekin jarrai dezala eskatzen dio.

ZUMAI-----ko Udalak, egoera larri honi irtenbide on bat lortzeko saiakerak egingo ditu eta, horretarako, beste instituzioetan, hau da, Gipuzkoako Aldundian eta Eusko Jaurlaritzan, behar diren gestioak egiteko konpromisoa hartzen du.

ZUMAI-----ko Udalak, enpresa zabalik mantentzeko eta lanpostuak defendatzeko langileek egin behar dituzten ekimen sindikalak eta sozialak egin ditzaten bere esku dagoen laguntza logistikoa eta materiala emateko konpromisoa hartzen du.

ZUMAI-----ko Udalak, apirilaren 20an, itxieraren aurka eta lanpostuen aldeko helburuekin Azpeitian egingo den manifestazioarekin bat egiten du.

ZUMAI-----ko Udalak, hartutako erabaki hauen berri udal-bando baten bitartez helaraziko die herritarrei eta, era berean, Alfonso Gallardo Taldeko zuzendaritzari, Enpresa Batzordeari, Gipuzkoako Aldundiari eta Eusko Jaurlaritzari idazki baten bitartez helaraziko zaie honen berri.

Esteban Campos
Corrugados Azpeitia enpresako komiteko Presidentea

